

欽定剿平粵匪方略

欽定剿平粵匪方略卷一百三十八 乙卯年

十月初一日

辛卯

胡林翼奏言

臣自將水陸諸軍

嚴爲裁汰點覈軍籍以求簡練卽函知道員羅澤南約期夾剿金口併攻武漢署臬司李孟羣副將王國才派於北岸步步爲營以冀迎會北兵漸圖漢陽 臣正擬督軍深入力剿爲客兵之前導而羅澤南由南康疾馳入境已先有通城

之捷計是役斬賊約三千餘名羅澤南由通城
直擣桂口分三路進攻奪桂口之險臣當卽飛
飭羅澤南從崇陽蒲圻由驛路進取新店金口
以期會合臣軍速攻武昌奏八報

初二日壬辰官文奏言據鹽法道常恩稟稱本月

十八日賊在漢陽所屬龍潭地方竄擾當卽帶

勇馳往勦擊斃賊多名生擒黃旗賊目二名餘
匪敗竄我軍追至蕭家集河邊逆衆撲河溺斃
數十名擊沈賊划數隻次日該道分布水陸隊
伍乘勝督勦由官橋劉家集進攻蔡店由南河
渡江家集進攻侏儒山二十日黎明行抵蔡店
該逆傾巢而出勢甚兇悍我軍奮勇爭先正鏖
戰間適水軍駛至斃匪無數奪獲大小賊船二

十六隻維時軍功王得勝帶勇馳抵侏儒山該
逆因聞蔡店危急正欲往援我軍適至出其不
意乘勢衝擊逆衆披靡各勇追殺十餘里斃賊
數千名臣查蔡店近接漢陽爲水陸總匯該逆
所必爭之地雖已受創難保不復竄至該道孤
軍深入恐難扼守卽飛飭李錦鑾等馳往蔡店
相機堵扼一面催李孟羣迅進襄河力督進剿

並檄魁玉等隨時應援兼防周家幫沙湖之路
鹽法道常恩自進兵以來親冒矢石調度合宜
仰懇

天恩賞加按察使銜以示鼓勵奏入

上諭內閣曰賊匪竄擾漢陽所屬龍潭地方及蔡店等
處經鹽法道常恩督帶兵勇進剿屢次獲勝辦理尙
屬得手常恩著賞加按察使銜

初三日已癸載增富森奏言臣等接魁玉報稱侏

儒山賊衆復圖大舉卽派錫齡阿帶兵馳往會
勦維時正值團首高定山等報稱賊衆在侏儒
山銅山頭沟欲出請兵往堵都司文瑞等將
滿漢兵勇分爲四隊以一隊從小路抄往侏儒
山東面埋伏約俟山前火起殺出截賊歸路以
兩隊潛伏於山之左右葦岸文瑞等自領一隊

直從大路進勦天明馳抵侏儒山賊衆驚起迎敵我兵奮力接仗左右伏兵皆至賊陣披靡紛紛退走復經官兵從東路突出兜擊先後斃賊八百餘名偏入水中溺死者甚多餘賊下竄正擬收隊閒忽見銅山頭大股賊衆蠭擁而來我兵合力抵禦適錫齡阿帶勇趕到從斜徑抄出橫截將賊首尾衝斷李保邦帶勇抄至銅山頭

殺賊約三百餘名餘賊遁逃我軍遂進紮侏儒
山相機進剿奏入報

初七日丁酉和春福濟奏言廬州賊匪負隅抗拒

臣等籌思非內外合攻不克竣事紳民王子顧
等糾集難民願爲內應密令民人羅金桂等縋
城而出約定舉事日期復挑選精壯豫備攻城

十月初一日傳令三更出營分派兵勇令總兵
珠克登進攻水西門副都統常清麟瑞協領玉
嶧都司余兆春進攻北門副將嵩瑞等進攻大
東門都司于昌麟進攻小東門參將程智泉進
攻大南門臣和春在北面調度臣福濟在東面
督攻時天色昏黑我軍皆銜枚疾走潛抵城根
鄭魁士等督兵豎立雲梯都司熊天喜等帶兵

突上北門首先登城施放火箭擡槍延燒更棚
賊正驚亂適都司于昌麟由小東門首先上城
燒賊更棚該逆撲救嵩瑞等攻入東門同時帶
兵官由各門緣梯而上殺斃極多值微風徐起
火箭拋入火藥局賊儲硝磺轟發內應亦在各
門放火火光燭天我軍乘勢衝下逆衆塞路填
街自相踐踏合肥被擄百姓歡欣鼓舞隨同奮

殺當將廬州府城克復餘賊拌死潰出臣和春
督兵在將軍廟紫金隄埂一帶盡力擊刺該逆
死者不計其數其南路餘賊馳來援應亦被痛
擊無一倖逃統計殲斃五千餘人生擒三百零
七名內有僞師帥等十七名臣等入城招撫難
民搜捕餘黨擬定期進攻南路以期次第蕩平
惟合肥被賊蹂躪顛沛流離情殊可憫茲復內

應立功洵屬民心可恃所有咸豐四五年三年錢糧懇

恩概予豁免文武學額請永遠增廣各三名以溥

皇仁而昭激勸所有尤爲出力鎮將員弁或身在行間
不避艱險或衝鋒冒石首先登城得以成此巨
功合無仰懇

天恩俯准先予鼓勵其餘在事文武員弁兵勇容臣等

查明奏請給獎奏入

上諭曰汝等雖遷延於前尙能補過於後俾堅城克復盡殲醜類當此兵勞餉乏之時皆賴衆將士勦力同心迅奏厥功覽奏欣慰之餘倍增憫念

上命軍機大臣傳諭和春福濟曰逆匪竄踞廬城將及二年經和春等督兵圍逼乘機克復俾江北關鍵之區不至久爲賊踞惟舒城巢縣廬江等處附近廬州

尙多賊蹤沿江一帶逆匪亦未剿除必須乘此聲威次第進剿如能再克安慶則金陵之賊其勢已孤我軍水陸進攻剿辦自易爲力該提督等所帶兵勇爲數甚多此時應卽移師進剿何處著悉心籌畫迅圖掃蕩逆氛廬城陷賊已久居民慘遭蹂躪一切善後事宜著該撫妥爲辦理該處紳民被賊裹脅究能悔罪立功爲我軍內應著該提督等確切查明擇其實

在出力者分別保奏以勵民心

上諭內閣曰廬州逆匪負嵎抗拒疊次外援之賊均經我軍擊退本月初一日總兵珠克登等各帶兵勇乘夜分攻各門和春福濟親督攻勦城中內應紳民王子顧等亦在各門放火接應隨同殺賊廬州府城當時克復餘賊拌死逃出者亦被痛擊殆盡和春等帶兵攻勦雖遷延日久此次督攻奮勇補過俾堅城克

復辦理尙爲妥協和春著賞穿黃馬褂並賞給騎都尉世職福濟著賞加太子少保銜並賞給頭品頂戴衆將士等勦力同心迅奏厥功均堪嘉尙副都統麟瑞常清均著賞給頭品頂戴總兵珠克登著賞戴花翎鄭魁士著賞加提督銜副將嵩瑞著交軍機處記名以總兵用參將程智泉著賞加副將銜並賞給捷勇巴圖魯名號都司熊天喜著賞給拔勇巴圖魯名

號都司江忠信著賞給毅勇巴圖魯名號熊天喜江
忠信均著免補都司以遊擊遇缺卽補守備余成蛟
著以都司卽補並賞給禦勇巴圖魯名號守備馬昇
平著賞加都司銜並賞換花翎其餘在事文武員弁
兵勇並著和春等查明請獎合肥紳民內應立功能
知大義所有該縣咸豐四五六三年錢糧加恩概予
豁免並將該縣文武學額永遠增廣各三名以示鼓

勵

初十日庚子向榮奏言蕪湖外援賊壘經我兵鏟

盡後卽移紮丁橋弋磯一帶與師船合圍扼勦

鄧紹良復派撥兵勇潛往范羅山右縱火焚襲

賊卡逆衆驚竄斬殺數十人將卡牆悉行犁毀

吳全美督領紅單各船進攻礮隄石壘斃賊不

少陸軍亦乘勝力攻該逆死守不出江北有賊

數千由西梁山竄至東梁山分屯嘯聚另股欲
由裕溪口渡江應援東梁山賊黨分至松園四
合山馬廠等處築壘均經鄧紹良吳全美分帶
兵勇進攻斃賊甚多越日東梁山復來賊五六
千人直竄丁橋一帶並於范羅山等處袤延築
壘副將蔡應龍馳往截勦行過丁橋數里該逆
見我兵兩路兜至卽大股衝來抵敵我軍爭先

縱擊追斬百數十名擠撲落水者尤衆江北雍
家鎮賊黨又突來三四千人欲於蠓磯廟築壘
吳全美駛往防剿鄧紹良撥陸兵渡江協剿擊
倒賊中望樓兩座李德麟等船前赴雙港堵賊
上游在荻港打仗將神灘河對渡賊船擊沈大
小十數隻溺斃甚衆追獲逆船四隻混汊河江
面賊船經遊擊唐國棟等追擊燒沈十四隻奪

獲三隻臣思范羅山各壘餘賊經我軍水陸合
圍接濟已斷勢實窮蹙乃該逆復於對江竄踞
意圖聯絡援應阻綴舟師若不趕緊攻毀使沿
隄逆壘頻添恐水師兩面受敵當經嚴飭吳全
美作速圖攻並檄鄧紹良渡江協剿連日疊有
斬獲范羅山營中之賊見我軍出江分剿乘虛
衝竄官軍分路夾攻直抵范羅山賊壘施放火

具兼開槍礮賊衆驚擾千總楊國正等帶勇爬
越賊牆黔勇雷大貴突被賊礮中腹腸出仍大
聲呼衆繼上旋又被戳跌落登時殞命守備胡
得順聞聲首先擁撲槍礮愈多將守牆賊紛紛
擊斃遙見哨樓有黃衣賊首搖旗指揮胡得順
躍近一箭卽應絃而斃我軍復對哨樓攢轟倒
壓多賊該逆仍死守拒戰同知鄭濟美等帶勇

接應街上合力併攻胡得順繞過壘門飛身撲
上不料被賊礮中頭額登時陣亡是時丁橋陡
門武陶一帶亦均有賊先後來犯經兵勇力戰
擊退臣現經催飭鄧紹良內外妥籌嚴防衝突
並責成吳全美李德麟斷賊江面以期早靖蕪
湖至守備胡得順身經百戰奮勇攻賊被礮陣
亡實屬忠勇絕倫深堪憫惜可否請

旨飭部照遊擊陣亡例從優議卹出自

逾格鴻慈奏入

上諭曰著嚴飭鄧紹良吳全美等兩岸迅圖掃蕩勿令
該逆南北聲氣相通致師船進退兩難胡得順著照
遊擊陣亡例議卹

十一日 辛丑 官文奏言接據探報九月二十四日

夜賊匪因常恩兵勇進紮蔡店漢川空虛該逆

率衆由南北兩岸小路暗襲縣城二十五日常
恩等聞報趕回救援連日與賊鏖戰頗有斬擒
詎二十七日漢陽逆匪復傾巢而出約衆七八
千並駛礮船數十隻分途上竄漢川之賊亦乘
勢出拒常恩督飭兵勇分投迎敵血戰數時之
久殲斃逆匪甚夥該逆首尾夾攻我軍腹背受
敵難以抵禦兵勇多有潰散該逆乘虛上竄漢

川復失賊至鄢家灣一帶魁玉錫齡阿督隊力
戰殺賊無數因該逆分路抄襲我軍衆寡莫敵
亦相繼潰挫軍功張起鳳等率領沙湖練勇將
賊擊退現在麥旺嘴盤踞臣卽日由京山馳赴
德安籌辦攻勦事宜勢難兼顧而中路兵勇經
此挫失賊勢復張亟宜設法堵截臣前所調巡
檢陳時森帶南勇五百名據報已抵安陸現今

暫駐該郡會同安陸府縣多集團勇扼要嚴防
又派楊昌泗督同天門縣帶領兵勇赴岳口防
堵一面飛催李孟羣迅速趕赴襄河催齊李錦
鑾之勇並嚴督中路帶兵各員趕緊收集潰兵
整隊堵截以遏上竄奏入

上命軍機大臣傳諭官文曰前據官文奏中路情形尙
可無虞常恩帶兵進襲蔡店辦理似有把握何以數

日之間遽有漢川失守之事李孟羣業已於九月十六日由沙湖至仙桃鎮中路各軍前有旨令其就近調度何以此次摺內尙稱飛催該署臬司迅赴襄河該署臬司係專辦中路之員豈可任其久駐潛沔之間致下游賊蹤猖獗上竄著官文嚴飭李孟羣迅即前進所有襄河上下賊匪責令一力攻勦該大臣得以先顧德安不受牽掣官文自鍾祥京山一路行走

至今尙未行抵德安未免過於遲滯著卽迅速起程
一面接受關防督辦北路攻剿事宜一面兼顧中路
並將潛沔等處妥爲布置毋任顧此失彼常恩魁玉
錫齡阿不能實力堵禦著該大臣卽將該員等潰敗
情形查明具奏

上又命軍機大臣傳諭黃宗漢曰本日據官文奏漢陽
逆匪傾巢上竄官兵失利漢川復失該逆已竄至鄢

家灣麥旺嘴一帶恐其窺伺荆襄大局攸關必得添
兵防備德恩所帶防兵著卽嚴催迅赴荆襄聽候官
文調遣毋稍遲誤續撥赴荆兵勇究有若干樂斌萬
福二員何人可往並著一面籌度一面迅速具奏

十二日

壬寅

官文奏言臣昨奉

諭旨授爲

欽差大臣兼程馳赴德安督催前隊顏朝斌等進逼

郡城設法攻剿賊匪連日出拒均被官兵擊退
該逆見我兵攻城甚急分股出城盤踞義塘陳
家店等處爲犄角之勢意在抄襲我軍後路臣
督飭中隊兵勇已抵德安府境惟查北路各營
馬隊尙稱得力其步隊兵勇屢經潰挫殊不可
恃現在南路攻剿正值喫緊臣若繞赴北路未
免紆遲臣接受關防後所有馬隊仍派西凌阿

綿洵管帶步隊兵勇派訥欽等管帶由北路合力進攻一面督飭南路官兵分投圍剿嚴防後路現在宋河新募勁勇二千名卽令協同官兵直取郡城並曉諭附近各鄉整飭團練防賊旁竄如此嚴密布置計日可期得手至漢陽賊匪上竄鄆家灣一帶經張起鳳等擊退茲據李錦鑾稟報賊蹤竄擾沔陽誠恐窺伺荆沙已令李

保邦管帶勁勇三千名馳赴迎擊該員督齊後
隊前往策應務期撲滅等情臣並飭魁玉錫齡
阿整齊兵勇力扼後路接應前軍痛加勦洗
官文又奏言臣所派南路兵勇會合北營馬隊
隨州安陸等處團練於十月初四日辰刻俱各
奮勇進攻直抵城下四處放火齊力圍擊殲斃
城外賊匪多名該逆敗退入城我軍乘勝奪門

而入遇賊卽殺斃賊無算將德安府城克復現
在督兵追勦逸匪以期一律肅清臣一面辦理
善後事宜卽行振旅南下

同日西凌阿綿洵奏言自八月十六十八等日
南北路官兵殲勦逆匪設法挑誘賊衆堅不出
戰臣等趕備雲梯等具定於十月初三日大舉
全隊進攻察看情形乘夜襲取我軍三面齊進

於午刻直抵城下更番攻擊該逆暗從堞孔施放槍礮我兵仰施火槍賊衆鼠伏遽難得手候至夜間豎梯進攻不料起更時風雨大作徹夜不休逆匪乘虛潛出南門冒雨南竄臣等派勇進城搜獲餘賊二百餘名跟追二十餘里大股賊匪業已走向孝感一路逃回武漢並飭馬隊分赴各鄉搜捕匪賊現在德安一帶雖已肅清

而武漢尙未克復恐其復生覬覦不得不留兵
駐紮臣等將新到馬隊二千名卽派副都統都
興阿統帶仍紮德安原營以壯北路聲威令勇
目施紹恆等各帶義勇已革提督訥欽等分帶
馬隊官兵趕緊追剿臣等卽督隊前進如果餘
賊竄歸武漢自當相度機宜合力攻剿

同日胡林翼奏言道員羅澤南探聞桂口之賊

竄入崇陽於城南江邊之山巔紮大營二座毀
城內屋輒砌壘高二丈壘外又以木椿竹籤層
布圍繞砌斷大路以遏我師沿途設伏以圖截
殺復於城東門外搭架浮橋密約通山之賊數
千人入城助戰羅澤南因會同候補道員李續
賓候選訓導劉蓉兩營渡江而進知縣蔣益澧
帶勇防賊後襲均循河之東岸約於浮橋東偏

駐營以截賊入通山之路羅澤南等沿河西岸而進遊擊普承堯直隸州唐訓方堵賊抄襲繞道出城之西北偏近賊營駐紮賊營已包於我軍之中彭三元駐其左李杏春駐其右賊乘我師方至營壘未修遽以六七千人自壘中分兩路而來羅澤南傳令賊不偏營不可與戰以數十人搖旗向前佯敗數次誘賊衝至營旁羅澤

南率勇從山脊而下彭三元從左路堵之各殺
斃騎馬賊目二名兩路之賊大敗回竄狂奔思
歸賊壘李杏春率勇由江邊而下圍繞賊壘奮
力衝殺以截賊之歸路賊不能復入其壘唐訓
方普承堯亦率勇疾進相與追殺賊繞城之西
北冀由東門渡江以逃李續賓劉蓉蔣益澧由
東岸山內殺出兩岸約共斃賊六七百名賊乃

入城閉門自守羅澤南擇勇二千人分作數十
隊伏於兩岸要隘簡選敢戰之士於二更時攜
沙囊負雲梯緣壁而上拋放火毬火箭光燄燭
天兩岸伏勇各擊鼓吹角施放槍礮城中之賊
大亂遽開北門而出踐斃於城壘者以數百計
踰城墮死者無數其得出城者又爲各路之勇
截殺千餘人諸勇乘勝而入當將崇陽縣城克

復至臣之水陸各師於通城桂口告捷之後揣
度賊情必由蒲咸下竄以與省城之賊相通因
派陸師三千餘礮船十餘隻由六溪口橫入蒲
圻地界駐營於車埠以各營分布四面並約會
羅澤南定期夾攻因岳州防兵進剿微挫且探
聞僞易王石達開以羣賊數萬人上竄盡注於
武昌南岸羅澤南之兵極精而少於賊數不止

十倍崇陽餘匪搜勦須嚴故援兵不能速至翼
日賊已悉衆由茅山蕭橋兩路分踞我營之前
經守備何紹彩等憑隄抵禦殺斃當先悍賊數
十名賊卽敗退另股賊匪復蠡擁齊下水師都
司喻吉三開礮擊之橫截賊腰斃賊百十名賊
復退卻我軍乘勝追之至茅山而返其蕭橋之
賊股數尤多千總楊再佑領勇獨當一面匹馬

衝鋒揮槩殺賊立斃七人賊畏其勇折回茅山
一路以撲何紹彩等之營各營奮勇抵禦賊不
能支又折而聚於蕭橋一路楊再佑俟其涉水
至半轟斃數十人截殺百餘人賊遂大敗退走
我軍正值收隊而賊復折回回軍抵擊賊勢退
卻追入山中賊衆橫出我軍之後各營俱被圍
繞奮殺兩時乃出重圍軍氣稍挫是日以三千

之勇敵二萬之賊鏖戰六七時之久千總楊再
佑等雖以追賊深入爲賊所乘而志節不衰整
飭數日仍可進剿均奏入

上命軍機大臣傳諭官文胡林翼曰官文奏德安府城
克復朕正疑此股逆匪並未大受懲創何以遽能克
復頃復據西凌阿等奏初四日天色未曙正在設法
進攻該逆乘虛潛出南門冒雨南竄由孝感一路逃

回武漢是德郡果非攻破實該逆有意竄逸難保無
另有詭謀西凌阿等現派施紹恆等義勇並馬隊官
兵於初五日相繼進發著卽趕緊追剿官文甫抵德
安該處已無賊蹤自應迅速跟蹤南下由漢川一帶
直擣漢陽以分南岸賊勢卽可迅克兩城不得藉口
善後逗留德安致該逆復圖上竄中路情形喫緊仍
著嚴飭李孟羣等實力堵剿何項兵勇最爲出力並

著查明具奏據胡林翼奏崇陽縣城池經羅澤南帶兵克復本可卽與該撫夾攻蒲圻惟因逆賊石達開率衆數萬人上竄悉踞武昌南岸較羅澤南之軍多至十餘倍以致與胡林翼阻隔羅澤南所帶各勇雖僅五千餘人然皆精銳自江西饒州義甯轉戰無前遂能連克崇通此軍於剿賊大有關係今以數萬賊匪蟻擁相逼深虞挫失現在德安旣經收復著官文

酌量派撥精兵邊委得力將弁統帶前進接應羅澤南之師以壯軍威胡林翼進勦蒲圻雖未得手小挫之後士氣尙能振作仍著激勵將士速行進攻以期與羅澤南一軍會合庶不致彼此隔絕致有疏虞

上諭內閣曰官軍自上月克復通城後逆賊悉數竄入崇陽於城外紮營築壘以遏官兵復密約通山賊匪入城助戰羅澤南定計派令李續賓等督率兵勇合

力前後截擊當將縣城克復著胡林翼飭令地方官
紳隨處截勦出力員弁兵勇均著擇尤彙保候朕施
恩

十三日
癸卯官文奏言據副都統魁玉等稟報該

逆由仙桃鎮擊退後糾率股匪分股上竄攻陷
沔陽州城我軍大隊趕至魁玉等卽派兵勇分
路進勦另派一軍由小河口抄至北門外平家

台埋伏魁玉等督率大隊接應各軍於本月初
四日黎明齊進該逆閉門固守我軍奮勇爭先
自卯至午鏖戰四時之久適值沔陽西鄉練勇
前來接應李保邦等由西南梯繩而上東南官
兵亦同時上城當將守陴之賊殺斃無算該逆
見勢不支卽奪北門奔逃我軍亦奪門放入大
隊搜捕餘匪登時將州城克復一面安撫居民

一面派隊追殺該逆奔至平家台我軍埋伏齊出又殺斃逆匪多名該逆紛紛亂竄我軍乘勢追殺奪獲器械馬匹多件臣當嚴飭各軍將漢川仙桃鎮一帶竄匪趕緊剿除淨盡以靖地方奏入報

十四日

甲辰

載增富森奏言漢陽賊匪約有五六

千人於九月二十七日由襄河南岸楊林溝而
上直撲麥旺嘴地方分股由敦厚岸新興廟等
處抄襲沔陽州三十日夜間被賊乘閒撲入州
城魁玉等督兵於初四日進抵城下四面堯圍
乘機由西南東南兩處城角梯繩而上奮砍守
陣賊衆賊開北門奔逃我軍遂開各門放入後
隊追殺敗賊直至平家台地方臣等伏思沔潛

爲荊州之門戶而仙桃鎮鄢家灣等處又爲沔
潛之門戶現已責令魁玉等嚴督各營兵勇迅
卽會合團練剋日進攻仙桃鎮鄢家灣等處立
圖克復至荊州兵勇本單襄河亦甚空虛蒙

恩飭調派防夔巫之川兵二千名來荊臣等委員馳往

迎催前進李孟羣統帶礮船八十餘隻已由清
水口經過卽日可抵荊州之長湖駐紮臣等俟

該署臬司到荆會商調度庶水陸防剿可期聯
絡奏入

上命軍機大臣傳諭官文載增曰沔陽爲荊州門戶雖
經我軍收復而仙桃鎮鄢家灣等處均爲賊踞自應
趕緊堵剿毋任上竄德安已無賊蹤官文卽可由漢
川一帶相機進剿其夔巫防兵二千名著卽飛催赴
荆應卽由荆至潛沔一帶會同攻剿著官文酌量調

度得此生力之軍又有李孟羣所帶礮船八十餘隻
在長湖駐紮兵力不爲不厚著官文載增卽飭李孟
羣與魁玉等合力夾擊先將仙桃鎮等處賊匪悉數
殄除該大臣卽可統領全軍進攻武漢

十五日乙巳陸元烺奏言據贛州鎮總兵阿隆阿

等報稱粵匪屯聚信豐縣之竹山圍於八月二
十日分三股竄入白田大河背張公墟等處該

縣知縣吳秉衡會同汎弁亦將兵勇分爲三路
迎勦斃賊二十餘名餘匪敗退二十一日該匪
分股竄至汊口地方窺伺吳秉衡卽派兵馳往
迎擊斃匪十餘名是日申刻又竄至小菰地方
鏖戰逾時殺賊數十名匪衆敗退佛嶺背次日
吳秉衡督軍進勦爭先陷陣殲賊數十名生擒
十名匪衆連日奔竄龍南縣該鎮阿隆阿等帶

兵分擊斃匪無數匪勢不支大敗狂竄復被龍南縣鄉團斬擒多名餘匪均竄回粵東逃散我軍窮追出境邊境一律肅清又據吉安府知府陳宗元等稟稱茶陵州賊匪二千餘人竄至相距城隍街十里之彭家祠地方柏英卽與永新縣知縣華翼綸帶隊進剿擊斃賊匪數十名接戰逾時賊勢稍卻詎彭家祠後山上突出大股

逆匪乘我軍血戰之際闖入永新縣茶子山地
面柏英等卽行馳回草市場一帶截擊惟賊衆
我寡兵力不敷永新城垣修築未竣情形甚爲
危急臣查此股匪徒蔓延江境安福龍泉泰和
等縣均近永新而龍泉又與湖南鄱縣接壤現
俱紛紛告警必須厚集兵力迅速撲滅以免深
入腹地現經臣添撥團勇五百五十名省兵二

百名又咨會會國藩抽撥平江勇六百名均令
兼程前赴吉安並札調新授臬司周玉衡酌帶
贛州兵勇馳往統領諸軍督率調度剋期進剿
以冀速滅妖氛

陸元烺又奏言據武甯防堵委員龍泉等稟稱
八月二十六日湖北興國州朝元坑賊匪一千
餘人駐紮山巔揚言來撲橫路大營馬占魁等

率勇進勦賊衆敗竄我軍乘勝追擊殲斃數十人滾崖跌斃者不計其數兵勇追抵賊巢踏毀營盤數座復焚斃賊匪數十人臣查興國州地方爲賊淵藪此次逆衆復犯武甯邊境經在防員弁立即勦退焚燬其巢堵禦洵爲得力惟現值大兵進勦崇通敗匪必歸興國武甯尤宜隨時設備俾免疏虞奏八均報

欽定勦平粵匪方略卷一百三十九 乙卯年

十月十六日 丙午 托明阿陳金綬雷以誠奏言九

月十八日上流駛來賊船大小五十餘隻總兵
葉常春等督率各艇分兩翼抄截賊死戰不退
忽東南風發守備賴鎮海等連開大礮擊沈賊
船數隻斃賊無數該鎮等復督各艇聯檣續進
殲賊尤多浦口陸軍與金陵水勇乘勢夾攻擊

損賊船多隻餘船竄回下關臣等因逆船必思
續竄而瓜鎮之匪死守待援因與吉爾杭阿密
約乘夜火攻出其不意或可一鼓攻入二十二
日吉爾杭阿於江南口岸派定水勇火船進攻
金山賊簿土橋水師總兵陳國泰遙見南岸鮎
魚套口火光並聞礮聲卽飭把總李逢春等分
駕多槳快船先往策應該鎮親督遊擊陳世章

等各駕紅單戰船隨後進駛正值賊船數十隻
與南岸快船相拒該紅單船快船齊開槍礮立
沈該逆數船該鎮等緊追轟擊攻至金山賊從
礮臺開礮我師對放大礮但聞礮臺傾塌喧嚷
之聲維時金山口賊箠亦開槍礮該鎮指揮各
艇分投攻搶木箠賊船紛紛出口救護我師擊
沈其沙船三隻划船八隻船內之賊梟水思逃

多被擊斃水中時至亥刻東南風起焦山水師
總兵周士法密派守備韋長貴等分撥火船爲
三路而以署遊擊鞠耀乾等之快艇幫護先進
縣丞周閑等以礮船橫截金山江面斷賊接應
該鎮親督戰船繼進並知會管帶練勇知州雷
鳳翥等督勇同時夾攻乘黑夜俱至瓜口時小
口賊船密布韋長貴等各率兵勇駛駕火船截

入賊船叢中趁風潮之力船頭狼牙鐵釘俱釘
入賊船隨即發火風勢愈狂火器齊噴賊船三
四十號一時俱燃火光燭天鞠耀乾等疊開槍
礮小口賊營亦登時延燒凡在船內營內之賊
俱因火中奔逃無路維時上下瓜州賊營齊向
火光開礮礮彈盡打落小口賊營臣等飛督陸
軍東西逼近賊濠暗施槍礮土橋水師亦從上

游戢擊而來賊益慌急不敢出巢另股賊划多
隻出大口撲我大船韋長貴等正帶長龍快槳
分赴北岸棲泊賊船處所施放火器遇見賊划
卽接放槍礮斃賊多名並獲賊船二隻餘船折
退復被鞠耀乾等快艇截住盡將賊划擊沈周
士法等帶領礮船將鎮江金山各口駛出大小
賊船數十隻焚燒淨盡雷鳳翥等帶勇由虹橋

興隆橋八號日三路前進行抵新河口江邊葦
灘中埋伏遙見江面火起知我師得手卽放火
焚賊瞭臺卡房奮力撲下瓜州賊營殲賊無算
通計連日水陸兵勇殺賊攻城俱各齊心出力
水師殲賊尤多所有各營出力員弁可否容臣
等併案酌保以示鼓勵之處伏候

訓示奏入

上從之

十八日

戊申

胡林翼奏言羅澤南克復崇陽後因

岳州防兵挫於蒲圻之羊樓洞虞賊上犯以牽

我軍派候補道員李續賓等移營羊樓洞之西

羅澤南與彭三元李杏春各帶兵勇仍紮崇陽

本月二十三日忽報逆首石達開統帶悍賊六

七千來犯我軍分三路應之左路中路奮力同

進殺斃當先悍賊賊遂大潰而右路松林之賊
愈集愈多李杏春躍馬登山整隊以待該逆爲
山所隔不知中左兩路之賊先潰仍洶湧並進
我軍突前擊之斃大旗悍賊八九名賊衆反走
彭三元督勇橫截而出殺賊最多餘悉奔白羊
山往咸甯而逸計各路共斃賊八九百人二十
四日羅澤南以書促彭三元李杏春歸營而逆

賊大至槍礮環施火箭噴筒交下彭三元李杏
春見賊甚衆身先士卒擇要隘堵殺追至田隴
而返我軍甫返賊又蟻擁而至如是者二三十
合彭三元耳受礮傷血流滿襟李杏春勸其回
營而彭三元戰益力誓同生死自卯至申鏖戰
五時之久賊乃敗退羅澤南在崇陽聞信以從
九李續宜率兵三百人援之並飛調蔣益澧由

羊樓洞來援二十五日寅刻羅澤南自帶中營
二百五十人繼進賊之在咸甯者黎明已盡數
來攻數倍於前繞營三匝彭三元李杏春相誓
以身許國各跨馬分路堵禦相持兩時礮子噴
筒連環疊至彭三元李杏春不少卻賊之另股
忽繞後路入營放火回馬救之賊衆尾追彭三
元大呼殺賊手刃黃馬褂賊目一名爲羣賊殺

於馬下李杏春勒馬衝至隨丁勸之走不顧且
罵之曰彭參將死我何獨生爲亦遂殉難把總
蕭馥山始終隨李杏春左右爲賊所刃把總李
光熾在營守輜重聞其兄李杏春死目眦怒裂
同時死之千總彭獻傑把總胡元則劉碧山率
中營三百人獨當一面與賊力戰賊不敢逼及
營中火起遂各執哨旗殺入賊中而死是時勇

丁以營官陣亡且戰且卻追羅澤南督勇馳援
距營十里而事已無及列隊山岡以集勇丁賊
見我軍繼至不敢前追日暮乃率歸崇陽時蔣
益澧已駐軍城外卽下馬相商以我師分駐崇
陽羊樓兩路兵力本單乃定計以五鼓移師羊
樓併力駐守羅澤南於二十六日午刻馳抵羊
樓洞其老營已造飯相待方令傳餐突報大股

賊匪由蒲圻來羅澤南李續賓登山審察約二萬餘賊屯聚山巔爲二大枝其一枝循山而下踰田隴吹角放槍黃旗徧野是爲賊之正兵其一偃旗息鼓草山蛇行埋匿於七里沖山內是爲賊之奇兵冀誘我師禦其正兵而其奇兵襲後撲入我營羅澤南會商各營以我師自崇陽至者血戰三日遠行百餘里令少息毋遽出戰

而令劉蓉率其營以擊田隴賊陣之腰李續賓
率其營從左路石山繞出以截田隴賊陣之尾
唐訓方則以其營三哨當田隴之正賊以二哨
搜其營前山內之伏賊普承堯則分其營爲二
路搜七里沖諸山之伏賊部署甫定而中營副
中營左營保營之自崇陽至者羣以今日誓報
昨仇爭請於前羅澤南義之因示以策應之略

賊之在田隴者見訓營三哨人少直前攻撲我
兵按立不動俟賊偏近突以槍轟之鏖戰移時
賊不能敵劉蓉率副右營從中段橫截賊亂反
旗而走諸勇圍之不得出其在後者回奔山上
遇李續賓右營已繞至山巔截殺蔣益澧率左
營策應賊之正兵大敗而山內之伏賊不知也
猶踴躍思出中營副中營從左路無賊之處繞

出山巔將賊包裹其中普承堯則率其營直從
山口分路迎頭殺入老寶營繼之賊之奇兵亦
大敗各勇分途追殺十餘里計共斃賊九百餘
名訊據賊供僞國宗韋俊自鄂省率賊二萬餘
由紙坊至蒲圻冀以抗拒援軍不能下攻等語
參將彭三元身經百戰屢立奇功候選同知直
隸州李杏春學問深醇節概懷然並千總彭獻

傑等均以力竭捐軀深堪憫惜可否

飭部給予優卹羅澤南一軍由江西入境所向克捷因岳州兵挫崇陽賊多分而爲三遂致中挫移師合剿繼復大勝該道員以新失二將稟請交部嚴議之處伏候

聖裁臣軍先於二十二日在蒲圻挫失刻已整理與羅澤南會攻蒲圻卽以水陸並進直擣金口奏入

上命軍機大臣傳諭胡林翼羅澤南曰覽本日該署撫奏羅澤南一軍接仗情形將士兵勇均能奮不顧身以少擊衆惟彭三元李杏春俱衝鋒殞命殊爲可惜雖二十六日羊樓洞之捷尙能轉敗爲勝士氣不衰究竟損傷精銳皆因兵單所致胡林翼所統各軍旣已力加整頓卽著與羅澤南會合直抵蒲圻石達開韋俊均係著名悍賊現在旣屬聚成甯卽應合力進

攻能將該逆殲戮則咸蒲一帶賊匪自必瓦解羅澤南之兵本紮崇陽羊樓兩處今旣併歸羊樓則崇通後路有何接應此時賊勢甚熾攻勦機宜固不在專守城池而此軍一移誠恐得而復失不特前功可惜抑且後顧堪虞應調何處兵勇以爲後路接應該署撫卽與官文商酌如荊州新到川兵及德安得勝兵丁皆可分撥著該署撫飛咨官文迅速調度羅澤南

一軍於勦賊極有關係而崇通咸蒲又爲江西湖南
四達之衝該逆旣以全力來抗我軍亦必併力會攻
始能得手此處關鍵一得卽可乘勢長驅由金口直
趨武漢切勿稍存大意致誤事機

上諭內閣曰此次奮勇殺賊力竭陣亡之參將彭三元
著追贈副將銜照副將例從優議卹候選同知直隸
州知州李杏春著追贈知府銜照知府例從優議卹

千總彭獻傑著照都司例從優議卹藍翎把總胡元
則把總李光熾蕭馥山劉碧山均著照千總例從優
議卹並准附入湖南地方塔齊布專祠羅澤南帶兵
由江西入楚境連復兩城此次以少擊多雖致中挫
仍復大勝所有自請嚴議之處著加恩寬免

二十一日

辛亥

和春福濟奏言廬州外援之賊疊

經痛剿斬馘甚衆而餘孽仍於南路二三十里

外往來窺伺初一日三更後我軍圍勦正在得手該逆猶敢拌死來援均經截殺殆盡但南面地方遼闊路接舒桐尙有賊巢臣等於初三日卯刻督兵趕至煙墩集有賊壘四處當令麟瑞常清等分途圍勦該逆正在搬運木植意圖堅築壁壘嚴防見我軍大至有退入巢內固守者有拋棄鋤鋤奔跑者官軍四面兜圍槍礮連環

逆匪驚亂越牆逃出兵勇搶進內濠擁入賊壘盡力砍殺死者枕藉卽將賊巢四座焚燬其餘逃賊復經麟瑞等分途趕殺追至焦湖落水死者不計其數約斃賊一千數百名生擒四百餘名附城一帶一律肅清惟路通舒城廬江之三河地方現在賊匪爲數尙多深溝高壘防備極嚴臣等擬將廬城善後布置妥協卽率同鄭魁

士等帶領兵勇先由三河進剿得手後再分兵
攻剿廬江舒城巢縣以冀次第克復奏入

上諭內閣曰廬州外援逆匪經官軍四面兜圍附城一
帶業已肅清著和春福濟督飭諸軍迅將廬江舒城
巢縣等處賊匪次第剿除毋再延緩

二十三日
丑癸丑載增富森奏言十五日接准魁玉

等報稱我軍自克復沔陽州城後探得賊衆在

仙桃鎮鄆家灣等處營盤添築土牆加修木柵
爲抗拒我軍之計魁玉卽於是夜先派出滿漢
兵勇共一千名由王泗口迂道潛行分伏於柏
木橋陽岡口兩處約俟次晨我軍接仗時一齊
放火並卽抄赴鄆家灣下游截其去路又分派
兵勇一由鄭家集赴仙桃鎮北面以襲賊後一
由麻港趨仙桃鎮西南以防賊衝魁玉親督李

保邦等由里云口橫出沙嘴進剿而派錫齡阿
督同文瑞等直出袁家口攻其西面復調軍功
張起鳳等帶團分布魁玉錫齡阿兩軍齊偪仙
桃鎮賊營賊衆蠶擁而出我軍奮力進攻斃賊
多名順風施放火箭火彈焚燬木柵賊猶拌死
抗拒而鄭家集麻港兩路之勇已同時趕到夾
擊賊衆不支棄營下竄維時鄢家灣營內之賊

正圖救援忽見柏木橋陽岡口兩處火起驚顧
間我軍馳至連開大礮轟塌土牆數處賊卽潰
逃柏木橋陽岡口兩路兵勇已抄從下游截殺
而來各隊團練爭先會剿共約斃賊數千名生
擒六百名餘賊撲入襄河溺死我軍仍暫就仙
桃鎮鄢家灣等處老營修整牆柵扼紮相機卽
赴下游進剿奏入報

聞

二十五日乙卯官文奏言自中路兵潰漢川復失

賊匪上竄麥旺嘴仙桃鎮一帶勢甚猖獗臣一

面馳赴北路督辦攻剿旋將德安城池克復卽

添派綿洵帶馬隊五百名並都司石清吉之勇

一千名由天門縣馳赴仙桃鎮迎頭截擊又派

孔廣順等帶兵由長江埠新溝抄出兜尾攻擊

襄河賊匪見我軍首尾夾攻逆膽已碎中路官兵因襄河北岸前後俱有應援復經臣飭催兵勇銳氣倍增魁玉錫齡阿等各帶兵勇由王泗口等處分四路進兵夾擊賊勢不支敗竄漢川繫馬口金家堰等處次日經千總舒渭玉帶領川兵由北岸行抵漢川派勇襲入城中舉火內應並調刁汭湖水勇八百餘名分三路進攻賊

匪勢窮敗潰官兵復追殺數百名落水淹斃無
算餘匪下竄我軍收復漢川縣城臣查德安既
經克復襄河漢川之賊又復下竄亟宜乘此聲
威進圖武漢現飭派往仙桃鎮長江埠各路兵
勇分投進剿並派訥欽帶領官兵九百餘名勁
勇二千名都興阿選帶馬隊一千名由孝感楊
店進攻漢口漢陽並令西凌阿帶馬隊二千名

官兵一千餘名駐守德郡爲各路應援臣暫駐
德安部署一切卽帶隊馳赴襄河居中督勦其
四川兵練三千名誠爲勁旅未便令其專辦一
隅臣相機擇要進攻千總舒渭玉奮勉出力仰
懇

天恩准以守備儘先補用先換頂戴奏入

上命軍機大臣傳諭官文曰現在中路漸就疏通官文

正可督師南下乃覽本日奏報收復漢川縣城仍暫駐德安實堪詫異官文馳抵德安已在攻復郡城之後計今又逾半月不卽乘此聲威趨程進發遠駐無賊之地似此有意遷延避難就易何以激勵軍心羅澤南以五千餘勇敵賊數萬因彭三元等勦辦失利扼駐羊樓事機喫緊急盼北路援兵會剿何以此次未聞籌及現在中北兩路均已得手卽當統率官兵

由北而南與襄河兵勇乘勢下壓約會胡林翼等爲三面兜剿之計其西凌阿所帶馬隊酌量留駐德安以固北路不得藉布置善後爲詞致失機宜

上諭內閣曰此次官文督飭兵勇擊退襄河一帶賊匪收復漢川剿辦尙爲得手著官文督飭各路兵勇乘此聲威將下竄賊匪悉數殄除千總舒渭玉帶勇收復漢川尙屬奮勉著以守備儘先補用先換頂戴

同日向榮吉爾杭阿奏言鎮江逆匪被我軍犁
毀金雞嶺賊壘後卽負固不出九月十三日探
有竄往瓜州之信臣等恐其聲東擊西當飭東
南兩路各嚴警備仍於十四日五更派令副將
慶文等統領大隊自西路分道截剿該逆甫經
出城見官兵勢大仍復竄回我兵直抵寶蓋山
下及西門外一帶地方連環轟擊傷斃極多臣

等竊思該逆雖未突圍北渡而金山兀峙中流
爲其所踞南北之往來總難斷絕隨即密派千
總李玉林等豫備火船帶領水勇從上游高資
港放船出口潛襲金山適遇賊匪哨船我船開
槍擊沈數隻餘皆逃回金山遊擊陳世章駛赴
下游擊沈賊船數隻其餘賊船立即星散臣吉
爾杭阿親督各路兵勇至煙墩山一帶接應余

萬清派出隊伍在摩旗山一帶爲後路聲援迨
聞江中槍礮聲起慶文等分路由金雞嶺煙墩
山進攻寶蓋山該逆憑高施放槍礮拒敵我兵
奮勇轟擊望見賊壘中旗幟倒亂乘勢上衝臣
吉爾杭阿復會同虎嵩林督飭慶文等各帶小
隊前赴南門外虎頭山查看地勢瞭望城中情
形以誘之該逆鼠伏不出旋見我人數不多卽

聞

有數百人前來衝犯當經在煙墩山南紮營之
周兆熊等前來接應與慶文等夾擊將此股逆
匪殲盡旋接探報金陵逆匪挑備馬步數千分
三路由陸來鎮救援臣向榮卽抽撥兵丁移紮
附近龍潭之東陽鎮地方臣吉爾杭阿派隊在
高資鎮紮營五座以扼其衝奏入報

二十六日

丙辰

向榮奏言十月初一日黎明該逆

從朝陽門龍脖子各出賊匪數千分撲川東湖南營盤經副將西林等迎剿斃逆二三十名該逆撲近明陵左側適張騰蛟伏兵齊起擊斃甚多賊勢稍卻遙見後有騎馬賊千餘已由太平門接應又有大股分作兩翼由鍾山腳下馳突抄來副都統德崇額督領吉林黑龍江馬隊同

副將王俊自靈谷寺山前分隊迎敵其時署江甯將軍福興已抄至湖南營前督戰卽令遊擊李定太率同親軍從旁要擊並令川東貴州官兵與兩廣各勇夾擊該逆反奔自相踐踏均向龍脖子逃去蕪湖各壘餘賊自鄧紹良火攻後乘勝晝夜攻勦未能得手惟節次截勦旗羅山一帶援賊屢有斬擒祇因圍勦兼籌兵力不敷

分布現於蕪湖西南二街口趕築礮臺三座移
營屯扼並將二三千斤大礮運往轟擊該處緊
對寶塔根之前兼可旁擊大石壘及小河南之
賊我兵將該逆浮橋擊斷賊壘兩面不通可期
漸次掃蕩吳全美泊堵上游探有安慶賊衆分
水陸來援蕪湖經紅單船赴泥汊河迎勦燔沈
賊船十餘隻餘逆向上游遠逃復經吳全美節

次扼勦斃賊甚多臣檄令吳全美分扼弋磯等處並撥李德麟拖舁船歸併調遣兼顧南北兩岸奏入報

二十九日己未官文奏言臣於漢川克復後卽飭

李光榮力破蔡店現據稟報十月十七日李光榮前隊舒渭玉帶領川勇會合漢川團練分投

進攻蔡店攻破該逆水陸二卡偏近賊巢適有
被擄良民該逆派爲前隊見官兵至各棄刀矛
投誠跪迎後隊賊勢不支兵勇乘之賊遂大潰
我兵四面抄殺殲斃數百名餘匪竄歸漢陽李
光榮已帶兵進紮蔡店臣前派孔廣順帶川兵
四百餘名都司王玉琳帶鄖竹官兵一千名並
陳時森帶南勇五百名抄擊襄河賊匪現已催

其由蔡店會合進攻漢陽訥欽都興阿之馬步
隊卽催其由楊店進攻漢口又派李錦鑾等帶
勇三千餘名由侏儒山一路進攻漢陽副將顏
朝斌帶四川勁旅爲臣前隊兼程前進會同派
攻漢陽漢口各軍擇要進剿並令都司石清吉
帶勇繞出多寶灣駐紮漢川綿洵帶馬隊繼進
爲中路一帶接應臣布置周妥催兵起隊後卽

由德安起程馳往中路嚴督各軍進剿漢陽一
克則與大江諸軍聲氣已通可與羅澤南互相
援應現又催總兵德恩帶夔巫防兵二千名遊
擊侯鳳岐帶兵一千名各由大江直下接應羅
澤南一軍力攻武昌使該逆首尾不顧剿辦易
於得手惟川兵以候餉爲詞屢催尙未到荆伏
乞

飭下嚴催前進俾免稽延奏入

上命軍機大臣傳諭官文曰官文奏由各路進攻漢陽之兵數已逾萬果能分投並進併力會攻原不難力克漢陽聯絡南岸但閱該大臣所奏有催兵起隊後卽日由德安起程之語似全隊進兵尙需時日軍務貴速豈可空言布置遲遲不發著嚴督派出諸將剋日前進齊抵漢陽漢口不准稍有遲滯並著該大臣

親統官軍趨程前進與各路兵勇同抵該郡以期迅速攻克若徒事遷延而以道路窳遠之兵指爲接應南軍之用儻羅澤南一軍稍有挫失該大臣亦不能藉口諉過也其侯鳳岐所帶官兵仍著該大臣嚴催速進

上又命軍機大臣傳諭黃宗漢曰官文奏稱川兵尙在待餉請飭迅速前進著黃宗漢卽將兵餉撥給飭令

署總兵德恩督帶前進以資接應